

Chapisho la
Kiafrika 27
19-12-24

KUZALIWA UPYA – (SEHEMU YA NNE)

Habari za asubuhi.

Ninaamini una msimu mzuri wa Krismasi. Na ninaamini Chapisho la leo litaimarisha ujumbe wa Yesu katika msimu huu.

Tumezungumza juu ya Kuzaliwa Upya kwa wiki tatu zilizopita.

Tumezingatia mada hii kwa sehemu kwa sababu watu wengi tunaowajua hawajazaliwa mara ya pili: wengi wako nje ya kanisa na wengine wako ndani ya kanisa.

Washirika wa kanisa ambao hawajazaliwa mara ya pili wako mahali pa hatari sana. Hii ni Kwa kuwa wao ni watendaji wa kidini tu na huzungumza 'lughu ya kanisa'. Wanaweza kamwe wasiulizwe, "Je, umezaliwa mara ya pili?" Na hata kama mtu anaweza kuwaauliza, wanaweza kujibu kimakosa, "Ndiyo," wakifikiri kwamba kuwa wa kidini kunamaanisha kwamba wamezaliwa upya.

Lakini tukikubali maneno ya Yesu kwa Nikodemo kuwa ya kweli, basi tukiwa watu wema, tukifanya matendo mema, hata kuwa viongozi wa kanisa hakutatupeleka mbinguni/uzimani.

Yesu alisema hivi hasa: "LAZIMA uzaliwe tena."

Wale waliozaliwa mara ya pili hufanyika viumbe vipya. Wanaingiliwa na Roho wa Yesu. Wao ni kitu tofauti. Wao ni kitu kipya kabisa.

HUU NDIO UTAMBULISHO MPYA WA WALIO NDANI YA KRISTO YESU:

Wao ni-

- Wana wa Mungu walioasiliwa (wanaoishi kwa utii na urafiki naye). **WAGALATIA 4:5; NA WARUMI 8:23.**
- Raia wapya wa ufalme wa Mungu (Ufalme ambao kwa sasa umefunuliwa kwa sehemu tu); na wanapaswa kuwa wameketi mbinguni pamoja na Yesu aliyefufuka na kutukuzwa (pamoja na kumfikia Mungu daima kupitia maombi). **WAEFESO 1:19-21; NA 2:19.**
- Watu waliotiwa muhuri na Roho wa Mungu (waliotiwa alama na Mungu ili waokolewe katika Siku ya Bwana). **WAEFESO 4:30; 2 TIMOTHEO 2:19; na UFUNUO 7:2-3.**
- Mabalozi wa Kristo Yesu (wenye mamlaka ya kuihubiri Injili na kuhudumu katika jina la Yesu). **2 WAKORINTHO 5:20.**
- Hekalu dogo ambalo Roho Mtakatifu hukaa – **1 WAKORINTHO 3:16-17; NA 6:17**

Paulo anazungumza kuhusu mabadiliko haya ya kuwa na utambulisho mpya katika **WAEFESO 2:4-10:**

⁴ Lakini Mungu ni mwenye huruma nyingi. Alitupenda kwa mapendo yasiyopimika, ⁵ hata, ingawa tulikuwa tumekufa kwa sababu ya dhambi, alitufanya hai pamoja na Kristo. Kwa neema ya Mungu nyinyi mmeokolewa. ⁶ Kwa kuungana na Kristo Yesu, Mungu alitufufua pamoja naye, tukatawale pamoja naye mbinguni. ⁷ Ndivyo alivyopenda kuonesha kwa watu wa nyakati za baadaye ukuu wa neema yake aliyotujalia kwa ukarimu katika kuungana kwetu na Kristo Yesu. ⁸ Maana, kwa neema ya Mungu mmeokolewa kwa njia ya imani. Jambo hili si matokeo ya juhudi zenu, bali ni zawadi ya Mungu. ⁹ Wala halitokani na matendo yenu wenyewe, asije mtu akajivunia kitu. ¹⁰ Sisi ni viumbe vyake Mungu, na kwa kuungana na Kristo Yesu, alitumba kwa ajili ya kuishi maisha ya matendo mema aliyotutayarishia tuyatende.'

Lakini hii ni zaidi ya uzoefu wa mtu binafsi. Hii pia ni uzoefu wa jamii nzima.

Paulo anaendelea katika WAEFESO 2 kueleza kwamba Mungu ametubadilisha ili tuwe viungo vyake vya utendaji, miongoni mwa Watu wake wa kipekee:

WAEFESO 2:14- *Maana Kristo mwenyewe ametuletea amani kwa kuwafanya Wayahudi na watu wa mataifa mengine kuwa jamii moja. Kwa mwili wake yeye mwenyewe aliubomoa ule ukuta uliowatenganisha na kuwafanya maadui. ¹⁵ Aliiondoa ile sheria pamoja na amri zake na kanuni zake, ili kutokana na jamii hizo mbili aumbe jamii moja mpya katika umoja naye na hivyo kuleta amani. ¹⁶ Kwa mwili wake, Kristo aliuangamiza uadui wao; kwa msalaba wake aliziunganisha jamii hizo kuwa moja na kuzipatanisha na Mungu. ¹⁷ Basi, Kristo alikuja akahubiri Habari Njema ya amani kwenu nyinyi watu wa mataifa mengine mliokuwa mbali na Mungu, na pia kwa Wayahudi ambao walikuwa karibu na Mungu. ¹⁸ Hivyo, kwa njia yake, sisi sote, Wayahudi na watu wa mataifa mengine, tunaweza kumwendea Baba kwa Roho mmoja. ¹⁹ Basi, nyinyi si wageni tena, wala si watu wa nje. Nyinyi ni raia pamoja na watu wa Mungu, na ni watu wa jamaa ya Mungu. ²⁰ Mmejengwa juu ya msingi uliowekwa na mitume na manabii, naye Kristo mwenyewe ndiye jiwe kuu la msingi. ²¹ Yeye ndiye mwenye kuliunganisha jengo lote na kulikuza hata liwe hekalu takatifu kwa ajili ya Bwana. ²² Katika kuungana naye, nyinyi pia mnajengwa pamoja na wote wengine, muwe makao ya Mungu kwa njia ya Roho wake.'*

Zingatia Paulo anasema sisi ni nani:

- Raia pamoja na Watu wa Mungu.
- Washiriki wa Nyumba ya Mungu.
- Sehemu ya utendaji ya Hekalu Takatifu la Mungu ambapo Mungu anaishi kwa Roho wake.
- (Paulo anaongeza katika **1 WAKORINTHO 12-14** kwamba sisi ni "Viungo vya Mwili wa Kristo".)

Petro pia anazungumza kuhusu utambulisho mpya na ushirika tulionao kama viumbe vipya katika Kristo Yesu:

1 PETRO 2:9- *Lakini nyinyi ni ukoo mteule, makuhani wa Mfalme, taifa takatifu; watu wake Mungu mwenyewe, mlioteuliwa kutangaza matendo makuu ya Mungu aliyewaiteni kutoka gizani, akawaingizeni katika mwanga wake mkuu.'*

Zingatia Petro anasema sisi ni nani:

- Watu Waliochaguliwa.
- Ukuhani wa Kifalme.
- Taifa Takatifu (kihalisi, na ni kabila la kipekee)
- Umiliki maalum wa Mungu – kuishi katika Nuru.
- Watu wa Mungu – walengwa wa rehema ya Mungu.

Kuna mengi, mengi zaidi ya kuzingatia kuhusu maisha yaliyobadilishwa.

Wakati huo huo,

- Natumai unapitia maisha haya yaliyobadilishwa.
- Natumai unakua na kukomaa katika maisha haya yaliyobadilika.
- Natumai unamtia moyo kila mtu unayemjua kuingia na kukomaa katika mtindo huu wa Yesu wa Maisha ya kweli.

Ubarikiwe sana katika jina la Yesu.

Ni wako-

Douglas

Douglas Van Devender.

Huduma za 'Jesus Ministries International' na 'Transforming Prayer'.